



SAGARDOTEGIA. Urnietako Setien sagardotegiko aurrealdea. SETIEN

SETIEN SAGARDOA, TXAPELDUNA

Urnietako Setien sagardotegiak Gipuzkoako Foru Aldundiaren XII. Sagardo Lehiaketa irabazi du. 36 sagardogile aurkeztu ziren lehiaketara, eta sariak ekainean banatu zituzten, Donostian.

Sekula baino sagardogile gehiago aurkeztu dira Gipuzkoako Foru Aldundiaren Sagardo Lehiaketara 2013an. 36 sagardogile guztira, Gipuzkoako hamalau herritakoak. Horieta sei sailkatu ziren finalerako. Azkenik, Setien sagardotegia izan zen irabazlea; Altzueta sagardotegia bigarrena izan zen, eta Urdaira sagardotegia hirugarrena.

Eugenio Urruzola Setien sagardotegiko arduraduna pozik dago sariarekin. «Sari garrantzitsua da. Arrakasta polita izan da. Jende askok Internet erabiltzen du, saria irabazi dugula jakin du, eta salmentan nabaritu da».

Setien sagardotegia Urnietako Oztaran auzoan dago. 1920 aldera inauguratu zuen Miguel Setienek. Sagardoa Gurutzeta baserriko dolarean ekoizten zuen, eta kupelak Urnietako erdialdeko Posta base-rrian biltzen ziren. Geroago, Gurutzeta baserria berritu egin zuten, eta upelak bertan gordetzen hasi ziren; gaur egun ere han gordetzen dira. Handik urte batzuetara, Kasiano Setien semea sagardotegiaz arduratu zen, eta gaur egun Eugenio Urruzola Setienek dihardu lan horretan, Kasiano Setien illo-bak.

Setien sagardotegiko jangelak tximinia dauka, eta 90 pertsonarentzako tokia. Txotx garaiari solik irekitzen zaio, hau da, urtarrilaren amaieratik apirilaren hasiera arte. Upelak egurrezkoak eta

altzairu herdoil ezinezkoak dira, eta sagardotegiak aparkaleku handi bat dauka.

Aurtengo sagardoa ona eta erraz edatekoa dela dio Urruzolak. «Sagardo politak dira. Aurreratu-ta datoz aurtun, eguraldiarengatik. Udazkena oso epela izan da, eta sagardoa aurreratu egin da lehengo urtekoarekin alderatuz. Gure etxean bai, behintzat. Hemen urtero hiruzpalau sagardogile elkar-tzen gara, eta etxe bakoitzetik aste-ro pasatzen gara bakoitzaren sa-gardoa dastatzeko, eta uste dut sagardotegi guztietan sagardoa antzekoa izango dela».

Inguruko sagastietako sagarrak

Beren sagastietako sagarrak baliatzen dituzte sagardoa ekoizteko, eta inguruko sagastietakoak ere bai. «Guk etxean sagar gutxi daukagu, baina inguruko sagasti guztietako sagarrak hona etortzen dira. Baina aurtengo uzta kaskarra izan da lehengo urteko uztarekin alderatuz. Lehengo urtean oso uzta ona izan zen, eta sagar asko jaso genituen. Kalitate eta kantidadetik oso uzta ona izan zen, eta

hori nabaritu zen, hemen mirarik ez baitago; genero ona erabiltzen baduzu, produktua onak aterako duzu».

Eugenio Urruzolak azaldu duenez, Setien sagardotegiko sagardo ekoizpena ez da handia izaten. «80.000-100.000 litro sagardo natural ekoizten dugu».

Sagardoa hamabi botilako kaxatan merkaturatzen dute, urte osoan, eta sagardo botila kaxak sagardotegian bertan erosten ahal dira.

Setien sagardotegira joaten den jende gehiena Urnietako inguruko da. «Kanpotik ere etortzen da jendea, baina % 80 inguru hemen inguruko da. Aspaldiko bezeroak dira. Jendea etortzen zaigu, eta ez gara kanpotik ekartzen hasiko, agentziek eta horrela. Ez daukagu kanpoko jendea hartzeko arazorik, baina, ingurutik etortzen zaizkigunez, jende faltarik ez daukagu».

Txotx garaiari, Setien sagardotegian giro ona egongo da, urtero bezala. «Bai, hori espero dugu. Dagoen egoerarekin ikusiko dugu, gauzak ez baitaude oso ondo».

Herritarrek sagardotegietara joateko ohitura ez baitute galtzen. «Astebukaeretan bai, jendea joaten da, larunbatetan bazkaltzeko, batik bat, baina sagardotegira astegunetan joateko ohitura gal-tzen ari da. Hori toki guztietan ger-tzen da, sagardotegi guztietan. Jendeak diru gutxiago dauka, eta nabaritzen da. Lehengo urteko hasiera kaskarra izan zen».


Ipintza
sagardotegia
asteartetik
ostiralera
menua
20€


Santio zehana, 12
Astigarraga
688 811 724
www.ipintza.com


**OIALVME
ZAR
SAGARDOTEGIA**
MIKEL KROZKIMENA
BIDEK 16
20115 ASTIGARRAGA
943-55 29 38
722380416
igande eta astelehenetan izan ezik

SETIEN sagardotegia

XII. sagardo txapelketako
sariiduna
Oztaran bailara, 11
Gurutzeta Berri etxea
Tel.: 943-55 10 14 • URNIETA

**GOIKO LASTOLA
SAGARDOTEGIA**

ostegunetik igandera frekita
asteburuan eguerdian ere zabalik
943-55 32 72 / 620 783 529 • EREÑOZU AUZOA - HERNANI

Larrarte
Sagardotegia

Muñagorri Enea • 20115 Astigarraga (Gipuzkoa)
Tel. 943 55 56 47 • Mòbila 679 123 892